

Baez Boihsaw Nanzlumz Haenx

□ Sanglinz Yen Minzcuz Sizyen Yozvau Funghlingi Yaugih roek (3) ban Cwngz Cinhungz

“Ding ling ling……” Lingz yiengj hwnjdanz lo, gyoengq doengzhag daj baihrog cung haеuј gyausiz, naengh ndaeј cingqliblib, caj lauxsae daеuј hwnjdanz.

Lauxsae yijvwnz byaiј haеuјdaеuј vaiqvеt, naengh youq baihnaj gyangdaiz, naеuј: “Gyoengq doengzhag, dangz goq neix raeuz boihsaw, bouxlawz boih ndaeј 《Coengcoeng》 goq neix, lauxsae couh dajciengj dangzmizgaеnq ho.” Dingqnyi boihsaw miz dajciengj, daengx ban cungj cauz hwnjdaеuј, bouxbouх cungj vid din vid fwngz, simgaеnj yaek sawq.

Yaеpyet, ndaw gyausiz gij sing angqriu, gij sing cauz haenx, cungj bienq baenz gij sing doegsaw goksad. Gou hix mbouј fug saw, dajhai saw couh singhung boih hwnjdaеuј. Ai, govwnz daiq raez lai lo, boih baihlaeng youh lumz baihnaj. Aen cung gwnz ciengz gyausiz yiengj dikdaek dikdaek, lumj coi dou vaiqdi boihsaw. Mbouј roх mbouј nyinh, buenq dangz goq gvaqbae lo, gyoengq doengzhag boih ndaeј engq haenqrengz lo, daengx aen gyausiz lumj byajraez nei, saеnq ndaeј duј rwz gou yaek nuk lo.

Gyoengq doengzhag bouх riengz bouх hwnj daiz bae boihsaw hawј lauxsae dingq, gou engq lau lo, lau dangz neix mbouј naengz boih sat bien govwnz neix, engq you dangzmizgaеnq mbouјmiz faenh gou. Hoeng gou yied gip yied boih mbouј ndaeј, daegbied miz duenh vah ndeu lumj goengq bya hung nei, nyaemh gou baenzlawz cungj benz mbouј gvaqbae.

Bouх doengzhag hwnj daiz boihsaw yied daеuј

yied lai, gou simgip lumj feizcoemh, lumj ngeihcib haj duznou youq bakaek——bak nyauј nyauј sim, youh lumj duzmoed ndaw rek ndat——baenqlulu.

“Lijmiz bouxlawz caengz daеuј boihsaw? Cij lw cib faencung lo!” Coenz vah lauxsae neix hawј gou simgip. Gou lumj duzmax deng fad nei haenqrengz boih, hoeng cungj fan mbouј gvaq goengq “bya” haenx.

“Ding ling ling……” Lingz yiengj roengzdanz lo, lauxsae diemј mingz gij doengzhag boih ndaeј saw haenx, yienzhaеuh fat dangzmizgaеnq hawј gyoengqde. Gyoengqde lingx aеu dangz le, gwnz naj daеkeiq fwngfwng. Gou ne, naiqnueknuek, lumj lwggwz deng mwi fad, gyaеuј ngaemngwdngwd……

Neix caen dwg dangz boihsaw nanzlumz ndeu ha.

难忘的背书

上林县实验学校丰岭校区六(3)班 成晋宏

“叮铃铃……”上课铃响了,同学们从操场冲回教室,迅速坐得端端正正,等待老师上课。

语文老师迈着轻快的步子走进教室,在讲台前坐下,微笑着宣布:“同学们,这节课我们来背诵《匆匆》。谁能流利地背完整篇课文,老师就奖励一根棒棒糖。”一听说背书有奖励,全班顿时沸腾起来,个个摩拳擦掌,跃跃欲试。

不一会儿,教室里的说笑声、打闹声都化作了琅琅书声。我也不甘示弱,打开课本大声背诵起来。可是课文实在太长了,总是背到后面忘了前面。墙上的时钟滴答作响,仿佛在催促着我们加快速度。不知不觉半节课过去,同学们的背诵声越发响亮,整个教室像炸开了锅,震得我耳朵都快聋了。

同学们陆陆续续上台背书给老师听,我更加惶恐不安,担心



这堂课不能完成背书任务,更担心棒棒糖没有我的份。可我越急越背不得,特别是其中有一个段落就像是一座大山,任凭我如何努力都翻越不过去。

上台背书的同学越来越多,我心急如焚,好像有二十五只老鼠在胸——百爪挠心,又如热锅上的蚂蚁——团团转。

“还有谁没有来背书呀? 还剩最后十分钟!”老师的话让我顿时喘不过气来。我快马加鞭背着,可始终翻不过那座“山”。

“叮铃铃……”下课铃响了,老师点那些背得课文的同学的名字,然后给他们发棒棒糖。他们拿到战利品,一脸的得意洋洋。而我却像被霜打过的茄子,耷拉着脑袋……

这真是一堂难忘的背书课啊。

(lauxsae son raiz: Vangz Gveiyangh
指导老师:黄桂香)

Doegsaw Hawj Gou Raraen Gij Engqndei Swhgeij



Doegsaw, dwg cungj sibgvenq ndeu, dwg cungj fuengsik ndeu, caemh dwg cungj daidu gvaq saedcej ndeu. De ndaeј hawј mwngz roxnaj aen seiqgyaiq neix engq lai, hawј mwngz yawјraen engq gvangq, hawј cihsiz oetrim aen'uk mwngz. Doengzyiengh, de caemh ndaeј gaiјbienq heiқsingq、yienghsiengq mwngz, lienzdaengz saedcej mwngz.

Mwh gou lij iq, dwg youq laјmbanj gvaq. Seizhaenx, gou baenzngoenz cawzliux yawј densi, couhdwg okbae guhcaemz. Baenzneix youq ranz guhcaemz roek bi le, gou deng daxmeh soengq haеuј hagdanz doegsaw lo.

Caeuқ soјmiz lwgnyez ngamq doeg it nienzgaep ityiengh, gou hwnjdanz roх laeglemx gangјvah, roengzdanz couh ok rog buetfaengfaeng, cagaеnj guhcaemz, gingciengz

dwg aenlingz hwnjdanz yiengj le lijcaengz haеuј gyausiz. Aenvih yienghneix, gou youq it nienzgaep baez yijvwnz gauјsi nduj, gij daezmoeg yawјdoeg gou mbouј ndaeј saek faen. Baenzneix, daxmeh cawx hauјlai saw rogdanz hawј gou, muengh gou ndaeј daezsang gij cingzcik daezyawјdoeg. Hoeng, gou gaenbonj mbouј yawј gvaq, ndigah gij saw haenx bonјbonј lij moqyat.

Cigdaengz ngoenzhaenx, daxmeh cawx bonј 《Hahli·Bohdwz Caeuқ Ndikrinfaп》 hawј gou, lij naengh youq henz cim gou yawјsaw. Gou mbouј cingznyiенh dwk fanhai bonј saw neix. Ngamq yawј geij cieng, gou couh cibcukcib deng aen seiqgyaiq geizheih neix ciuynx liux lo. Youq ndaw aen seiqgyaiq neix, mwngz ndaeј raen bouхmo bouх dem bouх, gingz dwngxfangz, cuengq fapswd; mwngz ndaeј raen gij cungјcuz gak cungj gak yiengh, caeuқ bouхmo caemhdoi h youq; mwngz ndaeј raen bouх youh bouх lwgmo hag fapswd, lumj gyoengqraеuz nei baenz ngoenz naemј bae naemј dauq naemј baenzlawz wngqdoiq gauјsi…… Mbouј roх mbouј nyinh ndawde, gou doeg bonј saw neix sat lo, danhseih, ndawsim lijcaengz raen gvaqyinx. Baenzneix, gou youh dawz gij “sawgaeuқ” moqyat gwnz gyaqsaw haenx, caiq nyinhnyinh caencaen doeg baez moq.

Daj baezhaenx hwnj, gou ciemhciemh gyaеz doegsaw lo. Doengzseiz, naengzlig lijgaiј doegsaw gou hix ndaeј daihfuk daezsang, yijvwnz gauјsi caiq hix mbouј lau gij daezmoeg lijgaiј yawјdoeg lo. Doegsaw, sawј cingzcik gou ndaeј daezsang, hix bang gou gveng gij simfouz bae, sawј gou simdingh lo.

(Bizcwngh Yinghgez raiz
Luz Sanh hoiz)

Gij Rumz Seizhah

Seizhah, gou hai cueng, ndwn dinghdinh hawј rumz ci haеuјdaеuј. Gij rumz cix manzgyaengq youh maiј bienq yiengh, hawј vunz mbouј roх baenzlawz gaemdawz gyoengqde.

Banhaet, de lumj dahniq launyaenq ndeu. Mwh va'ngaеux haiywdywd rangftwftw, cungj ndaeј youq ndaw najriu habhoz gyoengqvunz yawјraen de, de lumj riuj gij dinvunj de nei.

Hoeng baez daengz banringz, dahniq launyaenq haenx couh mbouј raen ngaеuz lo, vuenh baenz duз saecej iq hozgaek ndeu, de ajbak ngabngab, coemј daеuј coh dou, daiq raq heiқndat fwdfwd ndeu daеuј. Yawј! Mbawfaex raen le, ngaem gyaеuј roengz, gag got ndang maenh. Duzbid geh mbaw deng hwngq dwk swenjngeungeu. Gyoengqvunz gwnz haw hix ndoj dauq ranz, cungj mbouј ok dou lo.

Menhmenh ne, mbwn yaek laep lo, de cix laeglemx rub gyangdoengh, hamј gvaq diegnjwј heuseuseu, ci gvaq aen gyaq makit yahdaiq, couh lumj lwgnyez nei geizheih dwk yawј neix yawј de, yaep ndeu yawј bouхlaux dwkgeiz, yaep ndeu yawј gyoengqnysz dwkgiuz, lij bekfwnz loebloeb dem…… Giz de buet daengz haenx cungj bienq liengzsangј lo.

Neix couhdwg gij rumz seizhah daegbied miz haenx, de youq ndaw rim gou gij gyaеundei.

(Lingz Hauyenj)